

## Lotaz létan

Kan mo pou mars ek enn baton  
Tipa tipa, vèr lorizon  
Ravaz létan lor mo figir  
Pou fèr grimas sar lavénir  
Kan mo pou kontt tou ban sezon  
Lot apré enn, sot lorizon  
Ramaz létan pounn fini mir  
Tat kart démi dan mo figir

*Mo baba*  
*Saryé mwa dan to lébra*  
*Mo baba*  
*Sèr mwa for dan to lébra*

Kan mo lékor saryé sagrin  
Zoli santé vinn enn réfrin  
Loraz létan anrwé lavwa  
Mo va invantt mo bann explwa  
Mwa ézité dan bor simin  
Lizour lanwitt kikfwa dimin  
Lotaz létan lamor ziska  
Dan simitièr péna lérwa

*Mo baba*  
*Saryé mwa dan to lébra*  
*Mo baba*  
*Sèr mwa for dan to lébra*

Kan pa posib gett pli divan  
Dan marénwar sévé tro blan  
Mo va tranblé lor vag dilo  
Ekrir lavi anba dilo  
Kan mo lékèr pou dan lankan  
Telman livié linn sot létan  
Mo va swazir enn ti bato  
Pou disparett dan vag dilo

*Mo baba*  
*Saryé mwa dan to lébra*  
*Mo baba*  
*Sèr mwa for dan to lébra*

(Michel DUCASSE, *Soirs d'enfance*, 2004, Éditions Vilaz Métiss)